

Byggðasamlag Vestfjarða um málefni fatlaðs fólks

Fundargerð stjórnarfundar Byggðasamlags Vestfjarða um málefni fatlaðs fólks, mánudaginn 11. maí kl 13.00 í fundarsal Sambands íslenskra sveitarfélaga, Borgartúni 30, Reykjavík

Þeir sem mættir voru, Friðbjörg Matthíasdóttir formaður, Baldur Smári Einarsson, Daníel Jakobsson, Ingibjörg Emilsdóttir, Sigurður Hreinsson, einnig sátu fundinn Aðalsteinn Óskarsson framkvæmdastjóri BsVest og Sif Huld Albertsdóttir verkefnastjóri BsVest, sem einnig rituðu fundargerð.

1. Fundargerð stjórnarfundar 24. mars 2015.

Fundargerð stjórnarfundar 24. mars 2015, lögð fram. Fundargerð hefur áður verið staðfest í tölvupósti en er nú lögð fram til samþykktar. Fundargerð staðfest.

2. Staða máls „Ályktun til sveitarfélaga á Vestfjörðum um fjárhagsstöðu málaflokks fatlaðs fólks“

a. Niðurstaða fundar með Jöfnunarsjóði sveitarfélaga, 11. maí 2015

Mættur til fundar Karl Björnsson, framkvæmdastjóri og Tryggvi Þórhallsson, lögfræðingur Sambands íslenskra sveitarfélaga.

Farið yfir stöðu málaflokks málefna fatlaðs fólks. Kynnt staðan á Vestfjörðum í framhaldi af fundi stjórnar BsVest með formanni og starfsmönnum Jöfnunarsjóðs sveitarfélaga fyrr í dag.

Endurskoðun á yfirfærslu er enn í vinnslu og úttekt á rekstri þjónustusvæða í landinu. Tvennt þarf til, hækkun framlaga og endurskoða innri skiptingu á milli sveitarfélaga. Beina þarf auknum þrýstingi á fjárveitingarvaldið og endurskoða innri skiptingu á milli sveitarfélaga.

Karl og Tryggvi véku af fundi.

Ljóst er af stöðu mála að niðurstaða er ekki í nánd á næstu vikum og hugsanlega mánuðum. Í þessu millibilsástandi þarf að hefja innheimtu framlaga til að byggja upp varasjóð til að mæta halla á rekstri málaflokksins. Samtímis er verkefnastjóra og framkvæmdastjóra falið að setja upp minnisblað um aðgerðir til að mæta rekstarhalla.

Framkvæmdastjóra og verkefnastjóra einnig falið að senda minnisblað til sveitarstjórna um frekari aðkomu framkvæmdastjóra sveitarfélaga að málaflokknum og samskiptum við stjórnvöld.

Framkvæmdastjóra og verkefnastjóra er falið að rita erindi til ráðgjafanefndar Jöfnunarsjóðs sveitarfélaga. Þar sem farið er fram á að innri skiptingu á

framlögum sveitarfélaga verði nú þegar breytt en ekki beðið eftir niðurstöðu viðræðna sveitarfélaga og ríkis.

3. Ársreikningur 2014

Mættur til fundar í síma Guðmundur E Kjartansson, endurskoðandi BsVest. Ársreikningur 2014 liggur fyrir í gögnum fundarins, Guðmundur fór yfir helstu niðurstöðutölur efnhags og rekstrarreiknings. Kynnt tillaga að skýrslu stjórnar. Formaður bar upp tillögu að ársreikningi og skýrslu stjórnar. Tillagan samþykkt.

4. Önnur mál.

Engin önnur mál.

Fund slitið 15:25.